

اُستَیْنَا

نومرو ۱۱

بُخْشِیْہ

۲۰ تشرین ثانی ۱۳۲۴

مخصوصه درجی اقتضا ایدر .

دول متمدنه نك اكثر نده کیفیت تلمسیق آره دن بر زمان کچمدکجه ملسق کیمسه لره او مملکت اهالی اصلیه سنک بالجله حقوقی تمامها بخش و تأمین ایتز . مثلاً فرانسه ده تلمسیق اولان بر کیمسه تلمسیق زمانندن اعتباراً اون سنه مرور ایتدکجه فرانسه لره عائد حقوق سیاسیه بی تماماً احراز ایده مز . بوده نفس الامر موافقدر ؛ فی الحقیقه بر کیمسه یکی انتساب ایتدیکی بر مملکتک بتون احوال و احتیاجنه لایقیله اطلاع حاصل ایتدکسزین او مملکتک اداره داخله و خارجیه سنه عن اصل یرایلر درجه سنده اشتراك ایدرسه بوندن ملکاً بر طبق محذور لر ظهور ایتک طبیعیدر . بناء علیه تابعیت عثمانیه یه قبول اولنان کیمسه لر حین تلمسیقلرنده بلدیله انتخاباته دهلزل اولق ، ملکی و عسکری خدمت دولته قبول اولتق ، تبعه سائر عثمانیه نك حاز اولدینی حقوقدن استفاده ایتک پک مناسب ایدسه ؛ مجلس عمومی یه مبعوث انتخاب ایتک ، مبعوثانندن واعیانندن اولق ، و کلاقی مقامنه لکک ایچون تبعیت عثمانیه یه قبول زمانندن اعتباراً ، مثلاً اون سنه کبی ، بر مدت کچمسی شرط اتخاذ اولنهرق قانونه درج ایدلسه فنا اولمز ظن ایدرم .

اوریک اغاسی زاده

حسن سری

یکرمنجی عصر اوائلنده حقوق دول

۴

جمعیت دولیه و اوروپا خارجنده کی اقوام

کچن مقاله لرده بریلن ایضاحانندن استنتاج اولونابیلیرک حقوق دولده هرشی حال ترقی و تکملده در و عموم دولتلر ، کوندن کونه ، هر کسک تحیل ایتدیکی جمعیت عمومی بی وجوده کتیرمه ک میل ایتدکده درلر . حال بوک بویله دکدر . هر نه قدر معاملات و اصول دول ، حقیقی ترقیات احراز ایتش و فناً توضح ایدن قواعد بالخاصه حقوق خصوصیه دول ایله حقوق اداریه دوله تعلق ایدن احوالده

علماء و عملاً نمو و تکمیل ایلامش ایستاده بر جمعیت عمومی دول فکری نه دها
زیاده قوت بولمش، نه دها جامع و محیط بر حاله کشدر .

ترقیات حقوق دولك مجلاً مطالعاتی ایچون ایکی نقطه‌نی نظر دفته، آلق
لازمدر . بری قواعد اساسی‌نك صورت و درجهٔ تکمیلی، دیگری بو قواعدك
تطبیق اولوناچنی جمعیت دولیه‌نك وسعت ساحه‌سی در .

بتون اقوام کاساتك بر مساوات کاملهٔ حقوق ایله یالکیز بر جمعیت دوله
همه‌ستیری (Coexistence) ممکن بولندی و بتون جهان قدر و سبب اولان بو
جمعیتده قواعد و نظاماتك قصوای تکملنه واصل اولدینی وقت حقوق دول بر
غایهٔ مکملیهٔ ایریشمشدر دنیله‌بیلیر . فقط شو ساعتده بویه بر حال تحقق ایتش
اولمقدن چوق اوزاقددر .

عین جنسیت و قومیت فکریله بر اشمش اولان یونان اقوام قدیمی ایچق
محدود بر جمعیت ملل تشکیل ایده‌بیلدیر . مع مافیه بوجعیتسده دولتر بیننده‌کی
مناسبات پك توسیع ایدلمش و تبعه‌لرینك حقوقی جداً تأمین اولونمش ایدی او
درجه‌ده‌که حقوق دول ایچون حقیقی بر اساس موجود ایدی .

قرون وسطی اورویاسی دها واسع بر جمعیت تشکیل ایدیسوردی لکن آنده
مناسبات بین‌المللک اساسی، عیسویت فکری اوزرینه مبتنی اولدیغندن دها آز
مکمل و او مناسباته تعلق ایدن قواعدی قلیل ایدی .

زمانزده جمعیت دولیه عین محیط مدنیت ایچنده یاشایان دولترک موجودیت
مشترکهٔ حقوقیه‌لری کی آکلاشیلیور .

ازمنهٔ قدیمه جمعیتلرینك القا ایتدیکی قومیت و عرق حسنك و عالم اسلامیتده
اولدینی کی عالم عیسویتدهده قرون وسطی جمعیتلرینه اساس اولان مذهب فکری‌نك
یرینه شمدی نظریات جهتیله برنجیدن دها شامل و عمومی و فعلیات نقطه‌سندن
ایک‌نچیدن زیاده تعممه مستعد اوله‌رق فکر مدنیت قائم اولمشدر .

فقط فکر مدنیت اطرافسده بو وجهله طویلانان جمعیت جامعه کمدیسق
ترکیب ایدن بتون دولتر آرمسده مساواتی تضمن ایدرمی ؟ جواب تصدیق .

شمعی به قدر قبول اکثریته اقرارانجه مشدر. مساواتسزلق ایکی سبیدن ناشی در: اول امرده، فعلاً، جمعیت دوايه نامی تحتنده آکلاشیلان هیئت، خرسیتیان دولتلك یاخود همان ینه او دینک اولان اورویا مدینته تابع دولتلك جمعیتدر. حقوق اصلیه دول نامی آلتسدهده بو مدینته متمدن دولتلك مناسباتی اداره ایدن قواعددن بشقه برشی آکلاشلماز.

مدینت عیسویه ویا اورورپاسیه منسوب اولیان دولتلك، شبهه سزکه، هیئت دولیه نك بر قسمی تشکیل ایدرلر. فقط او مدینته مربوط اولانلر کبی تمامیت حقوقه مالک دکدرلر. بودولتلك، هر نه قدر، اصول مرعیه دولک قواعد معناده سنه تابع وحیات بین الممله عائد حقوق ووظائفک قسم اعظمندن مستفید ایهلرده امور داخلیه و منافع جامعه لرینک اداره سی خصوصنده حاکیتلری او قدر تام اوله رق قبول اولونمور.

بوکا اطمینان حاصل اولمق ایچون شرق واقصای شرق مملکتلرنده اورویا دولتلك دایما عین وسعتله محافظه ایتمک خصوصنده شایان دقت بر ثبات واصرار ایله چالیشدقلری قونسولاتو حق قضاسنت (Jurisdiction consulaire) موجودیتکی تحظر ایتمک کافیدر. بو مملکتلرده ساکن اوروپا لیره ویریلان امتیازات و بالخاصه حق حاکمیت الکویه نك قسماً اسقاطنه منجر اولان محلات اجنبیه ده خارج از مملکت امتیازی اصولی، اورویا مدینته سالک دولتلرده؛ سائر بر مدینته منسوب دولتلك استقلالنی تقلیده بیوک برانهماک بولندیغنی کوستریر.

بو دولتلردن بری یعنی ژاپونیا فی الحقیقه ۱ کانون ثانی سنه ۹۰۰ تاریخندن بری اورویا دولتلكی شکلنه تمثل ایتدی. اوراده قونسولاتولک حق قضایی لغو اولوندی و قسبات ساحلیه سنده اوروپایی محلاتنک خارج از مملکت امتیازی قالدی. بو صورتله ژاپونیا ایمپراطورلنی، تبدیل تابعیت ایتمش بر آدمک یکی متبوعی اولان دولت جمعیت مدنیه سنه قبول اولوندیغنی کبی، اورویا تربیه سی کورمش دولتلك جمعیتنه داخل اولدی. فقط حقوق عمومیه نك بر تأمینندن بشقه برشی اولمیان بو معامله به مظاهر اولمق ایچون نه قدر اثبات فضیلت ایتمک مجبور اولدی؟

واکثریا، کندیسنه بخش اولونان مساوات، نهایت الامر بر کوستریشدن عبارت قلمایورمی ایدی؟

۱۸۹۴ - ۱۸۹۵ چین - ژاپون محاربه سندن سوکره آلمانیا و فرانسه و روسیه نك مداخله سی، ثمرات مظفریتدن قسم مهمنی ژاپونلرک لندن آلدی . فی الحقیقه اوزمان ژاپونیا، مدیت عیسویه دولترلی میانسه قبول ایدلمهش ایدی . مع مافیه بو مداخله ده ژاپونیا نك حقوقه آغیر بر تجاوز و حیثیتی تذلیل واردی . فضله اوله رق اورویانك بو مداخله سی مغلوب ایچون بیله بر طاقم مهالکه سبب واقصای شرقه منافع انسانیتك قریباً دوچار خطر اولسنه باعث اولدی . ۱۹۰۰ سنه سنده چینی صارصان حادثات بوکا دلیلدر . بوندن بشقه بو حادثات کوستریرکه ژاپونیا به بخش ایدیلان مساوات بر مساوات ظاهره دن عبارتدر . واقعا اورویا و آمریکا دول معظمه سیله برلکده ژاپونیا دخی چین امورینه مداخله ایتدی . لکن ژاپونیا اوزمان اورویا و خرسیتیانیت مدیتنی حاز دولتردن عد اولونسه ایدی (توکیو) نك مرکز مذاکرات اولسی لازم کلیر ایدی . حال بوکه بو مذاکرات پکینده متفقلرک اردوگاه عمومیسنده یاخود ده طوغریسی پتربورغ ، لوندره وبرلنده جریان ایتدی . بو صورتله موقع جغرافیسنك و منافعنك اهمیت راجحه سی حسیدیه بو مداخله مشترکه نك ریئسی leader اولق لازم کن ژاپونیا ایمبراطورلغنك تالی بر نفوذی، ومعیت کی بر موقی واردی . آندن ماعدا، شرکای مداخله سی قدر استفاده ایتش اولدیفی ظن ایدیله من .

دیگر دولتر چینده قویاردقلری اراضی شرحه لرخی اشکال و وسائل مختلفه تحتنده ایجه محافظه به عزم ایتش اولدقلری حالده ژاپونیا نك بو جهتجه صفت وعنوانی و وجه استحقاقی سارلرندن زیاده اولسنه رغماً چینك ضررینه اوله رق ولو جزئی توسیع اراضی ایتك حقنی ژاپونیا دن دریغ ایدیورلردی .

اورویا دولترلرینك قوی ژاپونیا ایله اولان مناسباتی بره ذیلیا ، صربستان وحق سن دومینك جمهوریتی ایله اولان مناسباتنك القا ایتدیکی بعض منویات القا ایدردی . بو مضمرات les sous entendus بر جوق ژاپون رجال سیاسیه سی

رنجیدہ ایتش و تلاشہ دوشورمش ایدی . سکز اون سنہ اول ژاپونیا خارجیه نظری (قاتوتاها اوکی) پک مکمل بر مطالعہ سنده کندی مملکتی حقندہ قدیم اوروپا افکار سخیفہ سنک دوامنی اثبات ایتش و بسوک بر اوروپا دولتک موقع حقوقی ومعنوی سنہ جدأ واصل اولمق ایچون ژاپونیانک اقتحام ایتکمہ مجبور اولدینی کافہ مشکلاتی تعداد ایله مشدر . ژاپونیا، آنجق، روسیه کی بر دیو سیاحتی بره چاریدقدن صوکره اوروپا نظرندہ بویومش و برکیت مهمله عد ایدلمکدن قورتولمشدر دینیه بیلیرکه اوروپا حلقه سیاسیه سنہ سیف بدست جلادت اوله رق کیرمش و حقوقی عادتاً فتح ایتمشدر .

بوندن صوکره دوات علیده ژاپونیانک کچدیگی یولدن کچه جکدر . ۱۸۵۶ بارس معاهده سی دولت علیه نک اوروپا آنهک دولیسی حقونقندن مستفید اوله جغنی تأمین ایدلیدی حالده، معاهده نک یازیمی قورومادن، قایدتولاسیونلرک تعدیلی حقندہ باب عالی جانبندن وقوعبولان تکلیفک رد ایدلسی ویریلان تأمینانک اکاذیب متداوله عصر به دن اولدینفی پک انی کوسترمش ایدی . مع مافیه مشروطیت اخیره مز یارین، او بر کون بو حقوقه نائلیتمزی تأمین ایده جکدر .

ژاپونیا حقندہ سرد اولتان مطالعات دیگر آسیا و آفریقا دولتری ایچونده طوغری در . اوروپا دولترینک کرک کندیلری و کرک تبعه لری ایچون بو صنف دولتر نزدیکه طلب وادعا ایله دکاری امتیازات اورانده هر اثبات ترقی و تکمله مانع اولمقده و بو دولترک اصلاً حاز اولمادقلری یوزلرینه اوریلان حیات عمومی و حقوقیه نک بو شرائط اساسیه سنه مالیکیتی دهها مشکل بر حاله کتیر مکده در .

حقوق دولک قواعد و مؤسساتنک توسع تدریجیسی ، جمعیت مللک هنوز پک ضیق و محدود و اکثریتله عرق و دینی اولان فکرلیله تعارض ایدر .

نظریانده قاعده و اساسلرک جمعیت عمومیّه دولده بر مساوات کامله ایله تطبیقی لزومی قبول ایدلیدی حالده فعلیاده بو جمعیتک مختلف اعضاسنک حال و موقعی بوسبتون باشقهدر : اوروپا مدینتی دولتری سائق و حاکم وظیفه سی ایفا ایدرلر ؛ دیگرلری آنلره نسبتله یونان قدسک metoeces لرینسه ، یعنی تسکلیف عمومیّه

و حقوق خصوصیه به تعلق ایدن احوالده افراد اها ایستندن بولون دقلری شهرک تبعه سی اولدقلری حالده حق حاکمیت و حقوق عمومیه دن استفاده به کلنجه حقیقی و طنداشلردن معدود اولیان بر صنف خلفه مشابه اوله رق مادون و معیت کبی درلر.

۵

جمعیت دولیه و کوچوک و ضعیف دولتله

جمعیت دولیه نك شكل حاضری دیگر بر جهندن دها مساوات تخیه^۱ میخونه دن چوق اوزا قدر. حتی بو جمعیت چوق کره مساوات حقوقی طوغریدن طوغری به طایمیاویرمشد. فی الحقیقه اوروپا دولتلری جمعیتك دائرة محدود سی ایچنده دول صغیره و متوسطه امور خارجه و منافع مشترک لرینك اداره سی یچنده بو کون اولکنندن دها آز بر مختاریته مالکدر.

حقوق دولی، اقوام بیننده کی روابطك و مؤسسات مختلفه نك خصوصی و فنی بر قاعده سی کبی ملاحظه ایتك لازم کلیرسه ترقیاتك منادی و بعضاً شایان حیرت بر درجه ده اولدیغنی سوله مک ممکن اولور. لکن بو علمه، دنیا ده کی بتون دولتلرک موجودیت مشترک حقایقه لرینك قانونی و قوت و وسعت تفریق ایدلر کمزین تمامیت حاکمیت لرینك تأمیناتی کبی نظر اولورسه تاریخ عصرده هیچ بر صورتله ترقی حصوله کلدیکنی قبوله مجبوریت حس اولونور.

اون طقوزنجی عصرک نصف اخیرى ناقابل اعتراض بر حقیقت کوسترمشدرکه اوده اوروپا دول معظمه نك اداره سیاستامی هر زماندن زیاده اللرینه آلملریدر. بونلرک دول صغیره به قارشى معاملاتى حقنده بر حکم و یرمک لازم کلیرسه انسان کنندنی و یانه قونفره سی زمانه عودت ایتش ظن ایدر.

دول معظمه دول صغیره نك اجرا ایتدکلری محارباتک نتایجنی تعدیل و آتله بر تسویه مسالمتکارانه تکلیف ایلهمکی و اکثریا باعث تفرقه اولان اختلافاتک نسیاتی توصیه و هله امور مالیده بو دولتلرک امضا ایتدکلری مقاولاتک تمامی^۲

مرعیتنه نظارت ایتمکی کندیلرینه وظیفه بیلرلر. بو خصوصده کی مذاکره و قرارلری ویا نه قونفرمهنده متخذ مقرراتدن بيله وخیم اولمشدر.

ویانه قونفرمنك هیئت مجموعی اعتباریله بر مقصد آنی و محدودی واردی اوده ناپولور و زانئنك حسابی كسك (liquider) ایدی. دول معظمه نك دول صغیره قارشی حرکت حاضرملری ایسه كسب ایتدیكى شكل و آلدینی ماهیت استمراریله بودوللر اوزرنده بر نوع هكهمونه و متبوعیت تشكیل ایتمشدر. موازنه سیاسیه اونه دن بری اولدینی كی پولتیقه نك مهم بر قاعده سی اوله رق قالمشدر. یالكز بو موازنه، اروپا مدیتی دول معظمه نك كندی مدیتلرینه منسوب دول صغیره و دیگر بر مدیتنه منسوب بتون دول اوزرنده بغير حق ادعا ایلدكاری تفوق و حاکمیت ایله نتایج مخصوصه حاصل ایتمشدر.

دول معظمه دن هر بری، اهمیت قلیل و مدیتنه آز مرق دولتلر اوزرنده کی متبوعیت مشترکه دولیه نك دائما ك مهم بر عنصری بولونق و جهانك حاکمیت و فاعلیت اقتصادی سی ایچنده ممكن اولدینی قدر بیوك بر حصه انتفاعه ملاك اولمق ایچون یالكز بیومك وقوت بولمق چاره لرینی دوشونمشلردر. بوندنه پینلرنده بر رقابت حاصل اولمشدر كه عموم ایچون حقیقی بر تهلكه اولان (امپریالیزم) فكرلرینك، منشاید. فرضا اون سكزنجی عصر ك نهایتنده جاهیر متفقه آمریقانك استقلالنی تصدیق ایدن انكلتره، اون طقوزنجی عصر اواخرنده - مبارزه سیاسیه و اقتصادی ده کیری قالماق ایچون - آنغلو ساقسون عنصرینه یکی انكلتره نك اسکی مستملكانندن چوق زیاده بابانجی اولان آفریقای جنوبی بوئر جمهوریتلرینه قارشی بر حرب تنگیلییه کیریشمش بو تشبهنده دول معظمه ساره طرفندن بر مداخله وقوعیه توقیف ایدله مشدر. بونك سببی شودر كه او دولتلر ك دنخی افطار ساره جهانده یتیشیله جك بر طاقم مقاصد حکمرانیلری، امپریالیست املاری واردر. چین سواحلنده بر لیمان، بحر محیط هندی ویا کیریده بر آطه - اسکی زمانده ایتالیا ده بر دوقلاق ویا آلمانیاده بر شهر کبی - ضعفانك ضررینه اوله رق اقویانك موازنه نی ادامه یه خادم اولور.

قوت وسطوت ایچون واقع اولان بوجادلانک تاثیر آلتنده دول معظمه، عاقبت، کندی حقوق عمومی لرینک اساسنده موجودیتنه اعما اولونان دستورلری بیله اونوتمشلدرد. بتون آمریکا قطعه سنده حاز اولدینی موقع بمناز ایله دنیادهکی نفوذنی تزیید ایتمکه خواهشکر بولونان حکومت متفقہ آمریکا، موزوئه نظریه سنک شکل وماهیتی دیکشدرمشدرد. اسپانیایی کویا و پورتوریکودن محروم ایتک ایچون بر عصر اول دعوا استحقاق و تأکید استقلاللری ضمیمه نشر ایتدکاری افکاری طایعاشلر و بو وجهله ویا نه قونفره سنک غیر مأمول تلامیدی اولو ویرمشلردرد.

فلیپین جزایری - عادی بر عرصه کبی - اسپانیان صاتون آملر و بویله بر تحول ملکیتی تصدیق ایتمین سکنه به عصاة صفیله معامله ایله مشلدرد. جاهیر متفقہ نك بواپریالیست بولتیقه سی کندی بیده جمهوری بیله تضاد حالنده در. مع مافیہ آمریکا رجال سیاسی بوکا عطف اهمیت ایدر کبی کوروئم مکنده درلر صوک زمانلرده فرانسه، آلمانیا ایله روسیه، انکلتزه دأره مستملکاتلرینک آلدینی ترقی سریع، دولترک طریق توسعده ناصل بر فعالیت ایله یوردکاری کوستیرر. مادون کبی تلقی ایدلکده اولان اقوامک حقوق حاکمیتی دول معظمه طرفندن طایعاً مقدمه اولدینی بر باشقه صورتلده تأید ایدیور. فی الواقع دول مذکوره مناطق ویا دوائر نفوذ Sphères d'influence تعبیر ایتدکاری برچوق لرلری یعنی فرضی و غیر حقیقی اوله رق مکسوب و قسم اعظمی اعتباریله غیر مستعمر و واسع اراضی ساحلرینی مشترکاً و متقابلاً بینارنده تقسیم ایتک ایچون متعدد مقاوله ناملر امضا ایتمشلدرد بوکی مقاوله لرك عقدی عصر اخیر مخصوصاً سندن در. شو نقطه نظرندن حقوق جدیده حقوق قدیمه به تقرب ایدیور. (۱۴۹۲) ده یایا آلتنجی آلکساندر کره ارضک اسپانیا و پورتیکز آرده سنده تقسیمینی قبول ایدیوردی. بو کون دول معظمه حکمدار روحانینک ویا مافوق طاینمش دیگر هر هانکی بر مقامک مداخله سنه، وساطته مراجعت ایتکدن دنیایی مقاسمه ایدیورلر. بو وجهله ایلرله بن شخص متمدنک طرد و تبعید و تضیق

ایلدیکی برحق اهای اصلیه دوچار ضرورت وضعف اولارق محو اولمقدمه در .
 شخص متمدن بو حادثه بی ناقابل اجتناب عد ایدیور و ترقی مدینتک بر نتیجه
 ضروریه سی اولارق معذور کوستریور . امکاتره باش وکیلی متوفی لورد
 سالبوری بیک طقوز یوز سنه سی نهایتنده ایراد ایدیکی بر نقطه بو حقیقی
 اظهارده تردد ایتهمشیدی .

دول معظمه نك دول صغیره متمدنه اوزرنده کی تفوق و تغلبی ؛ ضمعفانك
 اقویا منفعتنه استمالکی اصولنك منافع عمومیه دول نامنه محق کوراسی ؛ طوائف
 متدینه بشرک انسال متمدنه منافع و نیکهستیسنه خدمته محکومیتی ایشته
 حقوق عصریه دولك آز خشنودی بخش جهتلری بونلدر .

اون سکرنجی عصرده دولنلرک استقلاللی نظریه سی فلسفه انفرادیون
 Individualisme محصولی ایدی . واتهل ، ژوف دومارتنس دیگر بردولتک حق
 استقلالنه خلل کتیرمه مک شرطیله هر دولتک ساثرلیله مناسباته کیریشمک و منزوی
 و متجرد قالدق و مناسبات خارجه سی توسیع و یاقید ایتک حقنه مالک اولدیغنی
 قبول ایدیوردی . اون طقوزنجی عصر هر دولتک استقلاللی Indépendance
 فکرینک یرینه بتوز دولنلرک مربوطیت متقابلیه سی Interdépendance فکرینی اقامه
 ایدی . اساس و غایت اعتباریله یالکز کندی هوبت مخصوصه سیله نظر دفته
 آلتان (دوات) تلقیسی ، بتون دولنلرک مربوط اولدیغنی بر جمعیت عمومیه سیاسیه
 تلقیسنه تحول ایتمشدر .

لکن بوجعیتده هر دولت مساوی دکدر . اونلر نه مختاریت نقطه سندن نه ده
 حق حاکمیک تطبیق و اجراسی نقطه سندن مساوی عد اولونا مازلر . جمعیت دوله
 حکم ایدن ، سوزینی یوروتن و اونک اوزرنده برنوع متبوعیت احراز ایلین
 یالکز بیوک دولتلدر .

مناسبات حاضره سیاسیه ده فردیت دول دکل جمعیت دول فکری غلبه
 ایدیور فقط بو عظیم جمعیت ، کندیسی ترکیب ایدن وجودلر خارجنده و فوقنده
 بر موجودیته مالک بر قوه حاکم ایلله تشخیص ایدیر یله مز . جمعیت ملک اداره سی ،

اعضاسندن يالکيز برقاچنه عائددر . بونلرک منافى اکثریتله کلتيك وهما دأما
 دول صغيره نك ومادون عد ايدیلان اهاالينك منافى ايله تضاد حالنده بولونور .
 بلا استثنا بتون دولترلر اوزرنده ثابت ومساوى صورته اجرای نفرذايدن
 وجهه سی طرفندن مطاع اولان بر حاکميت عاليه موجود اولمازجه دولترلر بيننده
 حقیقی بر اجتماعدن بحث اولونماز . ایتالیا پوزيتو زبست حکما سندن (آردیغو) نك
 مطالعه سنه انقرا حقوق دولده بر اصول عدلينك يکانه اساسی ، دولترى کندينه
 اطاعت استديرمک ايچون قوه کافيه ايله مجهز ومختلف دولترلر خارجنده بر قدرت
 غالبه نك وجوديدر .

دول معظمه نك تفوق حاضری آچق بر هکمه ونيرددر . آلدایمجي کورنيشدر
 آلتنده مشنوم ومدھش نياچندن ماعدا بر ثمره حاصل ايتمز . سوق طبيعی
 خودکامانه نك بر تکملندن باشقه برشی دکلددر . بر انتظام اجتماعينک واوکا مصدر
 اوله حق بر قدرت عادلانه نك فقيدانی حسيبله تماملات دوليه نك بر معيار اخلاقي به
 تابع اوله جفندن امين اولمق قابل اولماز . بوکون ملتارک موجودیتی - يکديکرينه
 قارشى احتراصاتی تعديل ايده جک بر قوه منصفه بين الملل طرفندن حمايه ايدلمديکی
 جهته مختلف دولتلرک ديکرييه قارشى حرکتلرنده ما کياره ايزم داغامرعى اوليور .
 جمعيت دوليه نك احوال حاضره دول اوزرينه نسيقي آرزو ايديلورسه
 کوچک دولتلرک استقلالی وخيم صورته تهديد ايدلمش اولور . اختلافات دولی
 فصل ايچون بر حکم حکمه عموميه سی تأسيسی طلبده بولونانلر بو نتیجه یی ايني
 دوشونميورلر . جمعيت دوليه بو حالده قالدقجه تحکيم مجبوری اصولی حقیقته
 ملتار ايچون قورولمش بر طوزاقدن باشقه برشی عد اولونماز وهيچ بر صورته
 حربی الفا ايده مز . دول معظمه نك تفوق وحرب فعلاً باشقه بر شکله کيرمرک
 نام آخرله ينه اوليکی قدر حکمفرما اولور و صورت حقندن کورينن افويانک
 مقاومه قدرتمز بر حاله تنزل ايدن ضعفايه قارشى تعلب وتحکمی او وقتده
 کوريلور ایدی . احوال وشرايط حاضره انقلاب کلی به اوغرامادن بر تحکيم اصولی
 تأسيس ايتسه دخی افويانک تفوق وخودانديشلمکی هزشي کندی مرام ومنفعتلرينه

اويديردزق بوكونكي قدر شدته باقي قاهه جق ويالكنز بر قرار قانوني به اقتران ايد، جك در .

احمد صلاح الدين

معاهدات

۹

فرانسه قاييتولا سيونلری

۵

۴ — انوم مرغی اولمیان احکام

«قونسوس و ترجمان وسائر فرايچهلويه تابع اولانلر کندی استعماللریچون ساکن اولدقلری اولریزه اوزوم کتوروب شیره صیقدقلرنده و آخر طرفندن ذخیره لری اولقی اوزره کندولره کلن خمرک نقل و ادخالنده یکچیری اغای و بوستانچی باشی و طویچی باشی و وویوده کان و سائر ضابطان طرفلرندن بر درلو و برکو و رسم طلب اولتیوب بو خصوصده سلاطین فاضیه دن و بریلان والی الان و بریله کلان اوامرک منه و ماتی اوزره عمل اوله (ماده ۵۱)»

۴۰ نجی ماده نك ایضاحانه مراجعت .

«فرايچه تجارندن و یا فرايچهلويه تابع اولانلردن برینک افلاسی ثابت و ظاهر اولدقده آلاچقلری اولاندره قالان اشیا سندن بورچی ادا اولنوب داینگ النده مادامک فرايچه ایلمچیلری و قونسوسلری و ترجمانلری و سائر فرايچهلوردن برینک معمول به تکفل سندی اولیه اولیابده فرايچه ایلمچیلری و قونسوسلری و ترجمانلری وسائر فرايچهلورلر تضمین ادعایله مؤاخذه اولنیلر (ماده ۵۲)»

۲۲ نجی ماده نك فقره اولاسنه عائد ایضاحانه مراجعت [*]

«قورصان اشقیاسنک و سائر دولت علیه مه خصوصت اوزره اولنلرک

[*] «استشاره» نك ۹ نومرولی نسخه سنده و ۴۰۷ نجی صحیفه سنده مندرجدره